

Gou Gyaez Daxmeh

我爱妈妈

□Dwzbauj Yen Lungzsangh Cunghsinhyau seiq nienzgaep Luz Lizliz



Daxmeh gou dwg mehmbwk lajmbanj, de ndang reux, haemq sang, bouxvunz unqsunh. Gou gyaez daxmeh gou.

Daxmeh cei q ndiep gou, hix dwg boux lauxsae yiemzgek gou. De youq gwnz swnghoz gvansim gou. Lij iq seiz, gou maj ndaej youh byom youh iq, daxmeh youh sim' in youh gip. Vihliux hawj gou maj ndaej cangq, daxmeh moix ngoenz cawj gij byaek

feihdauh gou gyaez gwn haenx hawj gou gwn, moix baez gou gwn yiengh byaek dog seiz, daxmeh couh lwnh gou naeuz, gwn yiengh dog doiq ndangdae mbouj ndei, danghnaeuz ndangdae mbouj ndei, couhcinj miz bonjsach hung hix mbouj rox gensez guekcoj. Doeklaeng, gou dingq daxmeh gangj, mbouj genj gwn, ngoenz beij ngoenz maj ndaej cangq, daxmeh sim' angq raixcaix. Daxmeh

gig yawjnaek son gou guh vunz, de son gou miz doxgaiq ndeigwn seiz, sien hawj bouxgeq gwn. Miz baez ndeu, youq ranz daxbuz gwn nohbit, gou nip gaiq noh gabit roengz ndaw vanj daxgoeng bae, daxgoeng ndiep dwk riu naeuz: "Siujfangh caen dwg boux lwgnyez ndei." Daxgoeng coenz vah neix mboujdan dwg haenh gou, hix dwg haenh daxmeh.

Youq ndaw yozsiz, daxmeh doiq gou yauhgiuz yenzgwz. Geiq ndaej gou ngamq hwnj siujyoz seiz, gou causij cihmoq, lujlaj song mbat couh sij sat lo. Daxmeh baez genjcaz, mbouj gangj lai, hawj gou cienzbouh cat bae caiq

sij moq. Baez hit neix, gaek youq ndaw uk gyaedj gou laeglaeg bae, daj baez haenx hwnj, gou causij cihmoq gig nyinhcaen, moix baez cozyez, gou cungj ndaej bak faen, youq hagdangz gijhingz yienzbit sijcih doxdax, gou lij ndaej ngeih daengj ciengj ne!

Daxmeh, gou gyaedj mwngz! Mwngz doiq gou gak fuengmienh gvansim caeuq maqmuengh, gou cungj youq ndaw sim geiq dwk, youq mwngz gvansim baihlaj, gou cingq angq maenh maj hung. Docih mwngz, daxmeh!

(cijdauj lauxsae: Ling Binjcoz)

Gij Lijvuz Soengq Hawj Daxmeh Haenx

献给妈妈的礼物

上林县大丰镇皇周小学三年级二班 谭艳岚

Ngoenzneix, dwg ciet daxmeh.

Gou siengj soengq hawj daxmeh aen lijvuz ndeu.

Soengq hawj daxmeh gijmaz ne?

Soengq va?

Roxnaeuz soengq dangz?

Gou siengj.....

Cei q ndei lij dwg soengq faenh cingz-cikdan daxmeh muenxeiq haenx.

Gou siengj hawj daxmeh aen cuzyen ndeu.

Cuzyen daxmeh gijmaz ne?

Hoh daxmeh yied daeuj yied lengj?

Roxnaeuz hoh daxmeh ndangcangq mbouj rox geq?

Gou siengj.....

Cei q ndei lij dwg hoh daxmeh ngoenz-ngoenz angqyangz!

(指导老师:覃仲南)

Ngoenzneix, dwg ciet daxmeh.



武鸣县仙湖镇中桥小学六(1)班 唐幸

Gwnz loh hwnj hag, gou yawjraen henz loh bouxcanghbueng gai gij gyoij haenx saedcaih nyex vunz bakngah, couh yot gij cienz lingzyungh daxmeh ngoenzneix hawj haenx, cawx le gaen gyoij ndeu.

Daengz bakdou hagdangz, gou hag gwnz densi bouxmingzsingh lanzgiuz "douzlamz sam faen", dawz gij naenggyoij haenx doiq cinj aen doengj nyapnyaj gya' gya' haenx baez douz. Aeya! Hojsik gou douz mbouj cinj, gij naenggyoij doek youq henz doengj lo. "Luenh vut nyapnyaj. Mwngz dwg ban lawz?" Boux cizyiswng h laengz dawz gou, gou cang guh mbouj dingqny, cigsoh byaij bae gyaulyoz-louz. Cizyiswng raen gou mbouj leixlangh, ndatheiq dwk nyoengx gou daengz henz ciengz. Gou hix ndatheiq lo, swnh fwngz baez ndengj, cizyiswng h deng gou ndengj soenx lo. Baezneix, boux cizyiswng h engqgya huj baenz feiz nei, lumj yaek au mingh gou ityienh, yiengq gou bag daeuj. Bonjlaij gou couh simhaw, baez nyaenxeiq lienmuengz doiq dauq-

laeng, siengj mbouj daengz, gou baez doiq dauqlaeng cingq caij deng gij naenggyoij swheij vut haenx, gij saeh boihseiz fatseng lo—cik ga baez conj, daengx aen ndang dingjai dwk, "dub" sing ndeu, aen gyaedj gou saeg roengz gwn namh bae, gyaedj ok lwed lo. Gou "w w" daej hwnjdauj.

Doeklaeng, cizyiswng h heuh lauxsae daeuj lo, dawz gou soengq bae yihiyen.....

Gienh saeh neix gvaq le, gou caen gag ienq: Hag gijmaz "douzlamz sam faen"? Danghnaeuz gou lauxlaux saedsaed dawz gij naenggyoij cuengq haeuj ndaw doengj nyapnyaj bae, couh mbouj rox caeuq boux cizyiswng h doxceng, couh mbouj caij deng gij naenggyoij conj laemx, danghnaeuz mbouj conj laemx, aen' gyaedj couh mbouj deng sieng.....

Gienh saeh neix hawj gou roxdaengz bok nyapnyaj au byaij bae gaenh aen doengj nyapnyaj, gaej guh vunzgik. Guh saeh loek au rox nyinh loek, rox gaij gij loek.

(指导老师:潘艳英)

Vuenh Heuj

换牙

贵港市覃塘区蒙公乡
高占小学五年级 周业琳

Moixdang gou yawjraen daeg-nuengx iq roxnaeuz dahnungx iq ngamq vuenh diuzheuj bae, loh ok gij diegheuj vauqvattat seiz, gou couh siengj hwnj seizi q gienh saeh ndeiri haenx.

Haenx dwg gou doeg it nienz-gaep seiz, diuz heujnaj gou yaek doek lo, sojyij mboujlwnh dwg hwnjdangz roxnaeuz gwnngaiz, gou cungj doiq de daegbied siujsim. Hoeng, de cungj gyaedj caeuq gou doxdingj, baenzlawz hix mbouj haengj "roengzban".

Miz ngoenz ndeu, gou bae ranz mehbaj guhcaemz, dahcej hawj naed diengz hung hawj gou gwn. Gou cingq angq dwk haeb naed diengz, sawqmwh diuz heujnaj haenx doek roengzdaej lo. Dahcej lienmuengz naeuz: "Vaiq di dawz diuzheuj gveng hwnj gwnz dingranz bae ba, mboujnex, heuj moq couh maj mbouj okdaej lo." "Dwg caen lwi?" Gou yaek saenq mbouj saenq. Dahcej youh daegdaengq naeuz: "Gveng diuzheuj seiz, song din au doxhop, mbouj ndaej faenhai, mboujnex, diuzheuj moq maj okdaej couh mbeuj lo."

Gou sikhaek byaij ok bakdou, dawz diuzheuj gveng hwnj ranzmou bae, hoeng aenvih yungh rengz gvaqbouh, gou ndang soenx bae naj, song din faenhai lo! Gou gip dwk daemh din daemh namh, gag nambdbed: "Baezneix sat lo, danghnaeuz maj ok diuzheuj cot, haenx couh cuij lai lo. Gou mbouj siengj bouxwnq heuh gou guh 'dah heujcot' ne. Neix baenzlawz banh cijndei ne?" Gou lwgda baez cienq, sikhaek au lae daeuj hwnj dingj ranz bae ra diuzheuj, dajsuenq caiq



gveng baez ndeu. Gou byaengq hung lwgda, youq gwnz ranzmou ra ha ra, hoeng baenzlawz hix ra mbouj raen diuz heujnaj gou lo. Dahcej gvaq gou naeuz: "Mwngz baenzlawz yienghneix mbouj siujsim? Ai, yienghneix cijndaej caj heujmoq maj okdaej le, caiq bae euj cingq lo." "Gijmaz? Euj cingq? Couh dwg daiq fouq gangghuh? Gou cij mbouj bae ne!" "Haenx youz mbouj ndaej mwngz lo, daengz seizhaenx daih-gya couh heuh mwngz guh 'dah heujdiet' lo, huvei!" Dahcej lij riuhehe, gou hozndat lai lo, hoeng youh gangj mbouj ndaej gvaq de, cijndei nyaenx heiq buet baema ranz swheij lo.

Daj haenx hwnj, gou moix haet cat heuj seiz cungj ciuq aen gingq yawj diuz heuj moq maj okdaej haenx. Bingzseiz baez siengj daengz de, couh au diuzlinx roengzrengz dingj de, lau de maj mbeuj lo. Couh yienghneix, gou moix ngoenz sim diuqbobeboeb doh gvaq, diuzheuj moq gou dauqdaej maj ndei lo. Docih aen mbwn aen deih, dahcej dwg yaeuh gou, heuj moq gou maj ndaej youh cingq youh hau, cungj suenq mbouj hawj gou saetmuengh ha!

Seizneix, gou doeg haj nienz-gaep lo, dahcej baez dwen hwnj gij saeh gou vuenh heuj haenx, gou couh au fwngz bae goemq aen bak de, doeklaeng dou cungj riuhaha hwnjdaej lo.

(指导老师:覃珍团)